

Пирмухаммадхон ибн Жонибек султон
(?-1567-й. 12-март)
(1556-1561)

Балх хокими (1546-67). Шайбонийлар хони. Унинг даврида Балх хокимлиги кучайиб тўлик мустакил хонликка айланган. Бухоро хони Абдулазиз (1540-50) Балхнинг мустакиллигини бархам бериш максидида катта харбий юришга отланган, бироқ бу сафар униг вафоти туфайли колдирилган. Бухоро тахтига Мухаммадёр султон ўтказилган. Пирмухаммад таъзия билдириш учун Бухорога келиб, турли найранглар билан тахтни эгаллаб олган(1550-й. 18-август). Бироқ амалдорлар ва уламоларнинг аксарияти уни қўллаб қуватламаган. Жўйбор хожаларидан Хижа Мухаммад Ислом ҳам уни тан олмаган. Пирмухаммадхон шундан сўнг Бухоро тахтига ўз кишиси – шайбонийлардан Умаргози Султон(Ўзбекхон)ни ўтказишга қўп уринган. У Бухоро оилй хукмдори сифатида бир йилча турган, лекин амирлар ва эшон Хожа Мухаммад Султондан кўмак ололмагач, Бухорони тарк этишга, тахтни яна Мухаммадёр Султонга кайтаришга мажбур бўлган. Мовароуннахрдаги ички низолар кучайган даврда (1551-56-й.) Пирмухаммад жияни Абдуллахонни (Абдуллахон II) Наврўз Ахмадхонга қарши курашини қувватлаб турган. Наврўз Ахмадхоннинг ўлимидан фойдаланган Абдуллахон Бухорони эгаллаган. Пирмухаммад номига хутба ўқилган. Пирмухаммадхон 1561-йил 18-апрелгача шайбонийларнинг олий хони бўлиб қолган, гарчи унинг номига хутба ўқилган ва танга пуллар зарб қилинган бўлсада, у фақат номига хон эди. Бадахшон ва Балхдаги нотинчликлар туфайли Пирмухаммад Балхни тарк этиб, Бухорога кела олмасди. Шунинг учун 1557-йилдан амалда Абдуллахон хукмронлик қилган. Бадахшон хокими темурий Сулаймоншоҳ 1560-й. июл-августда Балхга юриш қилганда Пирмухаммадхон Абдуллахон IIдан ёрдам сўраган. Чашмаи козирон деган жойдаги жангда шайбонийлар галаба қозонган. Бундан рухланган Пирмухаммадхон Тохаристондаги Кундуз ва Толикон шаҳарларини эгаллаш максидида 1560-йил 5-сентябр ойида юриш қилган. 1561-йилда Пирмухаммадхон билан Абдуллахон II ўртасида ихтилоф юзага келган, бунга сабаб Пирмухаммадхоннинг Бухорони Абдуллахон IIдан тортиб олиб, эвазига Балхни бермокчи эканлиги бўлган. Бироқ бунга Пирмухаммадхоннинг ўгли Динмухаммад султон норози бўлиб, отасига қрши исён қўтарган. Хожа Мухаммад Ислом ҳам бунга қарши чиккан. Абдуллахон II Карманадан отаси Искандархонни келтириб тахтга ўтказган(1561-йил май) ва Пирмухаммад номини хутбадаб чикариб ташлаган. Пирмухаммадхон фаол ички ва Ташки сиёсат юргизган. Унинг даврида Балх хонлиги Абивард, Марв вилояти ва Термиз хисобга қенгайган. Жанубдаги Гурзувон ва Гарчистон вилоятлари чегаралари мустахкамланган.